



AN COIMISIÚN
EORPACH

An Bhruiséil, 19.3.2021
COM(2021) 146 final

2018/0227 (COD)

**TEACHTAIREACHT ÓN gCOIMISIÚN
CHUIG PARLAIMINT NA hEORPA**

de bhun Airteagal 294(6) den Chonradh ar Fheidhmiú an Aontais Eorpaigh

maidir leis

**an seasamh ón gComhairle i dtaca le glacadh Rialacháin ó Pharlaimint na hEorpa agus
ón gComhairle maidir leis an gclár don Eoraip Dhigiteach le haghaidh na tréimhse
2021-2027**

(Téacs atá ábhartha maidir le LEE)

**TEACHTAIREACHT ÓN gCOIMISIÚN
CHUIG PARLAIMINT NA hEORPA**

de bhun Airteagal 294(6) den Chonradh ar Fheidhmiú an Aontais Eorpaigh

maidir leis

**an seasamh ón gComhairle i dtaca le glacadh Rialacháin ó Pharlaimint na hEorpa agus
ón gComhairle maidir leis an gclár don Eoraip Dhigiteach le haghaidh na tréimhse
2021-2027**

(Téacs atá ábhartha maidir le LEE)

1. CÚLRA

An dáta a tiolacadh an togra chuig Parlaimint na hEorpa agus chuig an gComhairle (doiciméad COM(2018) 434 final – 2018/0227 COD) 6 Meitheamh 2018

Dáta chomhaontú na Comhairle maidir le cur chuige ginearálta páirteach 29 Samhain 2018

Dáta an chéad chruinnithe thríthaobhaigh 13 Feabhra 2019

An dáta a d'fhormhuinigh Coreper an comhaontú comhréitigh páirteach sealadach (an chomhthuisicint) 13 Márta 2019

Dáta an tseasaimh ó Pharlaimint na hEorpa, an chéad léamh (lena n-ionchorpraítear an chomhthuisicint): 17 Aibreán 2019

Dátaí an dara cruinniú tríthaobhach (an cruinniú deiridh) 14 Nollaig 2020

Dáta an chomhaontaithe pholaitiúil i gCoiste na mBuanionadaithe 18 Nollaig 2020

An dáta a vótáil Coiste um Thionsclaíocht, um Thaighde agus um Fhuinneamh Parlaimint na hEorpa leis an gcomhaontú comhréitigh a fhorhnuiniú 14 Eanáir 2021

An dáta a glacadh an seasamh ón gComhairle, an chéad léamh 16 Márta 2021

2. CUSPÓIR AN TOGRA ÓN gCOIMISIÚN

Is gné lárnach de fhreagairt chuimsitheach an Choimisiúin ar dhúshlán an chlaohlaithe dhigitigh é an clár don Eoraip Dhigiteach, ar cuid é den togra le haghaidh an Chreata Airgeadais Ilbhliantúil (CAI) le haghaidh 2021-2027.

Is é is aidhm don togra ionstraim chaiteachais a bhunú chun go mbainfidh saoránaigh, gnólaictaí agus údarais riaracháin phoiblí an Aontais an leas is fearr is féidir as an gclaochlú digiteach, eadhon trí acmhainneachtaí digiteacha an Aontais a neartú i gcúig phríomhréimse

(‘cuspóirí sonracha’ mar a thugtar orthu): an Ríomhaireacht Ardfheidhmíochta, an Intleacht Shaorga, an Chibearshlándaíl agus an Iontaoibh, Ardscileanna Digiteacha agus a gCur in Úsáid, an úsáid is fearr a bhaint as acmhainneacht dhigiteach agus as an idir-inoibritheacht.

Is éard atá sa chlár don Eoraip Dhigiteach clár infheistíochta atá dírithe ar acmhainneachtaí digiteacha straitéiseacha an Aontais a fhorbairt agus ar chur in úsáid forleathan teicneolaíochtaí digiteacha a éascú, ionas go mbeidh siad ar fáil do shaoránaigh agus do ghnólachtaí na hEorpa lena n-úsáid. Leis an gclár, tugtar aghaidh ar phríomhthosaíochtaí an Aontais, go háirithe ar an aistriú glas agus digiteach agus ar athléimneacht an mhargaidh aonair. Díreoidh an clár ar na réimsí nach féidir le Ballstát amháin, as féin, an leibhéal a áirithiú is gá le haghaidh an ratha san aistriú digiteach. Leagfar béim freisin ar na réimsí sin a mbíonn an tionchar is mó ag an gcaiteachas poiblí orthu. Is é EUR 7.59 billiún (i bpraghsanna reatha) atá san imchlúdach foriomlán airgeadais atá comhaontaithe

3. TRÁCHTANNA MAIDIR LEIS AN SEASAMH ÓN gCOMHAIRLE

Léirítear go hiomlán leis an seasamh ón gComhairle an comhaontú ar thángthas air sna cruinnithe tríthaobhacha. I gcomparáid leis an togra ón gCoimisiún, áirítear an méid seo a leanas ar na hathruithe is mó tábhacht a tugadh isteach:

- *Leasanna airgeadais an Aontais a chosaint.* Rinneadh aithris a ailíniú le foclaíocht chomhaontaithe an tsásra, aithris ina bhfuil tagairt don chóras ginearálta coinníollachta chun buiséad an Aontais a chosaint ar sháruithe ar phrionsabail an smachta reachta lena ndéantar difear dá bhainistíocht fhónta airgeadais nó do chosaint leasanna airgeadais an Aontais. Thacaigh an Coimisiún leis an ailíniú sin.
- *An Clár don Eoraip Dhigiteach a ailíniú le tréimhse CAI 2021-2027.* Thacaigh an Coimisiún leis an gcuspóir leanúnachas a áirithiú i gcás ina mbainfeadh moilleanna don aistriú chuig an gcéad chreat airgeadais ilbhliantúil eile gan forálacha comhaontaithe a léirmhíniú mar fhorálacha lena bhforáiltear maidir le síneadh uathoibríoch a chur leis an gclár.
- *Clásal na cúlghabhálachta.* Cuireadh isteach forálacha cúlghabhálachta chun leanúnachas a áirithiú maidir le tacaíocht a sholáthar do ghníomhaíochtaí oidhreacht a dtacaítear leo faoi láthair faoi Chlár na Saoráide um Chónascadh na hEorpa agus faoin gClár um réitigh idir-inoibritheachta do húdaráis riaracháin phoiblí, do ghnólachtaí agus do shaoránaigh (ISA2) agus chun go mbeadh sé indéanta na cláir sin a chur chun feidhme ó thús CAI 2021-2027. Thacaigh an Coimisiún leis na forálacha sin a chur isteach.
- *An aeráid.* Tugadh cothrom le dáta agus athraíodh ó 25 % (an céatadán a bhí i dtús báire ann) go 30 % an tagairt don sprioc fhoriomlán caiteachais aeráide le haghaidh CAI ina iomláine. *An sprioc bhithéagsúlachta.* Cuireadh ábhar na haithrise caighdeánaí bithéagsúlachta, eadhon an ranníocaíocht i leith na sprice le haghaidh caiteachais bhithéagsúlachta, leis an aithris lena bhforáiltear maidir le sprioc aeráide. Chomhaontaigh an Coimisiún an sprioc aeráide a thabhairt cothrom le dáta agus an sprioc bhithéagsúlachta a chur leis an gclár.
- *Dáileadh an bhuiséid ar na Cuspóirí Sonracha agus ar an imchlúdach airgeadais le haghaidh ‘idir-inoibritheacht’.* Laghdaíodh na méideanna a leithdháiltear ar Chuspóirí Sonracha go comhréireach, beart a léiríonn ualú agus cothromaíocht an togra tosaigh (laghdú líneach/pro rata i leith na gCuspóirí Sonracha uile), agus ag an

am céanna cosnaítear an t-imchlúdach airgeadais le haghaidh idir-inoibritheachta. Thacaigh an Coimisiún le hualú agus cothromaíocht an togra tosaigh a choinneáil.

- *Ailíniú cothrománach a dhéanamh ar fhorálacha a bhaineann le cistí, ar cistí iad a aistríodh chuig an gClár don Eoraip Dhigiteach ó acmhainní faoi bhainistíocht chomhroinnte agus nár úsáideadh, a aistriú ar ais.* Tugadh isteach forálacha a bhaineann le cistí, ar cistí iad a aistríodh chuig an gClár don Eoraip Dhigiteach ó acmhainní faoi bhainistíocht chomhroinnte agus nár úsáideadh, a aistriú ar ais, rud a bhí ar aon dul leis an gcur chuige a glacadh sa chlár Fís Eorpach. An 8 Márta 2019 rinne an Coimisiún dearbhú inar chuir sé in iúl a chuid agóidí i gcoinne an chomhaontaithe i ndáil leis na forálacha maidir le haistriú cistí (Airteagal 9.5) agus le cómhaoiniú.
- *Cláir oibre a ghlacadh.* Chomhaontaigh na páirtithe uile go nglacfaí cláir oibre i bhfoirm gníomhartha cur chun feidhme agus úsáid á baint as an nós imeachta scrúdúcháin (an nós imeachta coiste). Thángthas ar chomhaontú freisin maidir le gníomhartha tarmlichte a úsáid chun Iarscríbhinn 1 a mhodhnú.
- *An chibearshlándaíl.* Rinneadh soiléirithe breise maidir le gníomhaíochtaí faoi Chuspóir Sonrach 3, an Chibearshlándaíl agus an Iontaoibh, a chur chun feidhme, agus dá réir sin cuirfear an Cuspóir Sonrach sin chun feidhme go príomha tríd an Lárionad Eorpach um Thionsclaíocht, Teicneolaíocht agus Taighde Cibearshlándaíla atá beartaithe agus tríd an Líonra um Inniúlachtaí Cibearshlándaíla.
- *Rannpháirtíocht tríú tíortha.* Deimhníodh go sainráite an fhéidearthacht maidir le tríú tíortha dul i gcomhlachas páirteach leis an gclár ar leibhéal na gCuspóirí Sonracha aonair.
- *An Séala Barr Feabhais.* Rinneadh forálacha a bhaineann leis an Séala Barr Feabhais a ailíniú le forálacha coibhéiseacha faoin gclár *Fís Eorpach*, agus sainiúlachtaí an dá chlár á n-urramú an tráth céanna. Modhnaíodh raon feidhme chur i bhfeidhm an tSéala Barr Feabhais faoin gClár don Eoraip Dhigiteach chun tagairtí do chláir a eisiamh, ar cláir iad nach gceadaítear, i gcomhréir le bunúis dlí, iad a bheith ag brath ar Shéala Barr Feabhais an Chláir don Eoraip Dhigiteach ina gcritéir dhámhachtana.

Sa chomhaontú ar thángthas air, déantar cuspóirí an togra tosaigh ón gCoimisiún a choimeád, agus dá réir sin coinnítear an leibhéal uailmhéine agus ceadaítear solúbthacht leordhóthanach chun na rialacha nua a chur chun feidhme.

4. CONCLÚID

Tacaíonn an Coimisiún le torthaí na caibidlíochta idirinstiúidí agus, dá bhrí sin, glacann sé leis an seasamh ón gComhairle.